

sanjwɔz

Naetnaiq Caemh Vuenyungz

累并快乐着

□Liengz Cinghyinz/ 梁青云

Vunz daengz cungnienz, mbouj you mbouj heiq caeuq simlangh liz raeuz yied bae yied gyae, diuzrap gwnzmbaq yied daeuj yied naek. Gwnz miz bohme nienzgeij laux lo, laj miz lwg’ iq lij mbouj caengz baenzvunz, gyoengqde muengh raeuz ciuqgoq muengh raeuz buenx. Hoeng, seizneix hix dwg raeuz bonjfaenh gij hong ceiq lai ceiq nyaengq seiz, siengi guh daengz ndaw ranz caeuq hongrog cungj ciuqgoq daengz caemhcai q guh ndaej ndei, saedcaih dwg mbouj yungzheih ha. Baenz bouxvunz cungj roxyinh naetnaiq raixcaix. Hoeng cungj naet neix, hix dwg cungj vuenyungz ndeu.

Gwnz miz bouxlaux dwg vuenyungz. Ndaw ranz lij miz bohme youq, yamq haeuj douranz, heuh sing boh sing meh, raeuz couh ndaej roxyinh aenranz gig raeuj sim hix miz gij baengh, hix cij ndaej roxyinh gwn ndaej diemz ninz ndaej ndaek. Danghnaeuz saehnieb saetbaih lo roengzrengz lij miz ngoenz dauq hwnq, bohme aencingz naek lumj bya, seizneix mbouj hauqgingq, seizgan mbouj rox byaij doxdaug ha, raeuz baenzlawz ndaej cajdaengz gyoengqde bae le cij louz roengz sim’ in ienqhoij baenzseiq.

Laj miz bouxqi dwg vuenyungz. Lwg’ iq dawz gij sengmingh raeuz cie ndaej engq raez, de dwg gaiq dangzrwi ceiq van ceiq diemz ndaw sim raeuz. Daj gwnz ndang bouxlgw, raeuz yawjraen le

daengzcog gij ceiq gyaeu ceiq ndei, yawjraen le fouzcaenh maqmuengh. Bouxlgw son raeuz rox le baenzlawz bae gyaez, gyaez ndaej mbouj ienqhoij. Ndaw swnghhoz raeuz miz haujlai mbouj hab-eiq, haujlai haemzhoj, aenvih miz bouxlgw le, aensim raeuz cij ndaej daengz onj, cij ndaej dawz gij mbouj angq lumz bae, sawj swnghhoz raeuz engqgya miz yinxdaeuz.

Gwnz miz bouxlaux laj miz bouxqi seiz, raeuz wngdang roxyinh vuenyungz. Bohme lij youq seiz, raeuz ndaej miz gihvei hauqgingq gyoengqde, ndaej nem henz ndang gyoengqde, lij ndaej guh boux lwgnyez ciengxlwenx maj mbouj hung ndeu, seizseiz ndaej daengz gvensim mbouj liux mbouj caenh. Aenvih bouxlgw lij iq, lij yungh raeuz bae ciengx bae son, raeuz cij miz le maqmuengh caeuq muzbyauh, cijmiz gij sim sawj raeuz bae roengzrengz guhhong.

Miz bohme miz lwg, cij miz ranz miz gyaez. Vih aenranz raeuz gvaq ndaej ndei, mboujguenj bungz daengz geijlai dwg-rengz, geijlai naetnaiq, hix dwg gij swnhhoz ceiq vuenyungz.

Seiqgyaiq neix, miz diuz rap ndeu heuhguh gwnz miz bouxlaux laj miz bouxqi, miz cungj cwzyin ndeu heuhguh gwnz miz bouxlaux laj miz bouxqi, caemhcai miz cungj vuenyungz ndeu heuhguh gwnz miz bouxlaux laj miz bouxqi.

Youz Mboqhanq Cingsih

游靖西鹅泉

□Ganh Sozvwnz/甘说文

Dingq baengzyoux gangj, bae daengz Cingsih Yen, danghnaeuz mbouj bae Mboqhanq youz, dwg gienh saeh ienqhoij ndeu. Bineix seizhah ngoenz ndeu, gou caeuq bouxgvan bae Cingsih Yen youz, bae youz Mboqhanq.

Mboqhanq youq baihnaz yienhsingz Cingsih, youq laj din Byahanq.

Cienzgangj seizgeq miz yah buz singq Yangz ndeu, loeklak youq henzloh gip ndaej song aen gyaeqhanq. Yahbuz dawz gyaeqhanq ma ranz, yungh ndang swheij faeg hanqlwg okdaeuj. Ngoenz ndeu, yahbuz langh hanq youq ndaw daemz, sawqmw, ci rumz haenq doek fwn hung, aen daemz loemq roengzbae baenz aen mboq laeg ndeu, duzhanq mbouj raen lo, aen mboq bauqboengboeng, bienqbaenz mboq laeglumlum, gvangqlanglang. Vunzmbanj vih geiqniemh song duz hanqsien neix, dawz aen mboq neix heuhguh Mboqhanq, lij guh Miuhbuzyangz, laeb sam gaiq Beihanq.

Mboqhanq gvangq, gwnz raemx guh diuz giuzrin miz 9 aen cong, laj giuz raemx sawndikndik, yawj ndaej raen bya youz bae youz dauq. Gwnz haenz faexndoeck baenz caz baenz caz nyaengqnyatnyat, yawj bae, Miuhbuzyangz mumjmumj gymq-gyumq, yaek raen youh mbouj raen, caemcingx gyaunde. Raemxmboq daj geh rinbya bauq okdaeuj, gyoebbaenz aen vaengz gvangqlangh ndeu, raemxmboq lae baenz Dahmboqhanq.

Raemx Mboqhanq heuswdswd、sawndikndik, ciengx ndaej doenghnaz dangdieg.

Ndaw mboq miz haujlai byaleix. Youq gizneix vunz baez swenj, rin haenz mboq couh rox han. Singhan saenqdoengh raemx mboq, byaleix couh diuqbywgbywg. Neix couh dwg aen gingjgvanh mizmingz ——“Mboqhanq bya diuq”.

Seizgeq, binaengz sam nyied cosam dwg “ngoenzcaeq” Mboqhanq. Baez daengz ngoenzneix, daihgya cungj comz daeuj henz mboq, yawj bya diuq, caeq mboq hoh fungsou. Gyoengqvunz samj ngaiz haeuj mboq, hawj bya ceng gwn, roq laz roq nyenz, bya diuq hwnjdaeuj, ndei yawj raixcaix, ndigah louz miz “Mboqhanq bya diuq sam caengz langh” aen gangjap neix.

Roeg youq sang guh rongz
Ciengq go hongz byaifaex
Duzrwi dawz va daeh
Ciengx ndaej daengx rongz imq

Vunz guh hong reihnaz
Sou ndaej ma haeux byaek
Sinhoj dawz rapnaek
Yaek gvaq saedcej ndei

Mbangj boux baengh miz cienz
Bae fanden cingj haeux
Gwn noh youh gwn laeuj
Byaek lw daeuj byongh daiz

Ngeix dauq geij bi gonq



Cienzgoenggya cingjhek
Ndaw ranz mbouj hai rek
Beksingq yawj caengz da

Cienzgoenggya bae liuh
OK guek riuho
Daengz Suisw Meijgoz
Sai cienz goj mbouj noix

Ci gyoenggya gag yungh
Cienzyouz cungj mbouj hai
Danghnaeuz ci ngaiz vaih
Cienzcoih caiq bauqsui

Daj bineix gvaq ma
Fanjfuj ca ndaej gaenj
Canghlenz gaem ndaej maenh

Dangjfungh baenz cinghseuq

Gaenxmbaet dwg cungj rengz
Deng Cunghvaz meijdwz
Son lwglan haeuj rwz
Mwhmwh geiq ndaw sim

Gaenxmbaet couh dwg ndei
Ceih gya aeu guh bonj
Guhvunz byaij bae gonq
Gyonj daeuj dwg fouqmiz

Guekgya aeu gaenxmbaet
Haethaemh rox leix caiz
Guekgya fazcanj vaiq
Caez byaij haeuj siujangh

Vihliux fazveih gij akcawq Guengjsae okdaeuj, Guengjsae gonq-laeng laebbaenz le gooi yenzgiusoj、linzyez gohyoz yenzgiusoj、doi hduz yenzgiusoj、yw bingh doenghduz yenzgiusoj、suijcanj yenzgiusoj、mbawcaz yenzgiusoj、sojsonyinx ciengx nonsei、gomakgam yenzgiusoj daengj gij gihgou conhyez gohyoz yenzgiu neix. Gij gihgou yenzgiu gohyoz neix doiq yenzgiu caeuq sonyinx Guengjsae guh lai cungj ginghyingz, miz gij cozyung gig daih. Veiz Gozcingh gig yawjnaek gij yenzgiu soj neix, gingciengz bae dingq gij yigen gyoengqde.

Boux sojcanj sojsonyinx ciengx nonsei Vangz Gauhsun, yienzlaiz dwg Sanghaij aen swnghvuz yenzgiusoj boux lauxhangz ciengx nonsei ndeu,

dwg youz Swegih Gohvej boux cujyin gonq Se Dunghlaiz doi hawj cingj daeuj Guengjsae guh hong. Se Dunghlaiz genyi: “Dwg mbouj dwg hawj Vangz Gauhsun daeuj guh boux sojcanj mingzdaeuz Sojsonyinx Ciengx Nonsei?” Veiz Gozcingh naeuz: “Mbouj! De couhdwg sojcanj, miz mingzdaeuz caemh miz gienz.” Veiz

Gozcingh lij daengq naeuz: “Hwnj aen ranz he hawj de, ndaw ranz aeu miz rugninz、ranzbanhgoeng、diengzsaw、ranzdajcawj. Danghnaeuz de mbouj sibgvenq gwn ngaiz Guengjsae, couh cingj boux canghdajcawj rox guh ngaiz Sanghaij haenx daeuj cawj ngaiz hawj de gwn.” Bi 1964 seizdoeng, Vangz Gauhsun daiq bang vunz ndeu daeuj,

guh hong gig miz cingzyauq. Bi 1965, daengx swegih yungh mbawmaenzfaex daeuj ciengx nonsei gocoengh, vunzlai guh ndaej hoenghhwdhwd, ciengx gij cungj nonsei ndaej 118 fanh lai hab, okcanj reh ndaej 1614 dun. Guengjsae vihneix youq Namzningz、Denzyangz caeuq Gveilinz gak laebbaenz aen cangj daemjgien ndeu. (caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz